

Inatsisartut aalajagiiffigisassaattut siunnersuut Naalackersuisut peqquneqassasut Nunatsinni nioqqutissat akiisa OECD-imi inuussutissat naliginnaasumik akiisa agguaqatigiisinnerinut naleqqiullugu nunatsinni qaffasippallaarujussuarnerisa sumik tunngaveqarnerisut misissussagaat. Misissuinerup malitsigisariaqassavaa iluarsiiisoqarnissaanut kiisalu ungasinnerusooq eqqarsaatigalugu qanoq akit appartinnissaannut siunnerfimmik aaqqiisoqassasoq. Misissuineq UKA 18-imi inatsisartunut saqqummiunneqassasoq innersuussutigineqarluni.

(Inatsisartunut ilaasortaq Per Rosing-Petersen, Partii Naleraq)

Akissuteqaat

(Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisooq)

Siullermeerneqarnera

Naalackersuisut sinnerlugit Inatsisartunut ilaasortaq Per Rosing-Petersen, Partii Naleraq qutsavigissavara siunnersuut soqutiginarloq pillugu.

Nioqqutissat ulluinnarni nalinginnaasumik atortakkatta akii inuiaqatigiinni inuuniarnermut angisuumik pingaaruteqarput. Minnerunngitsumillu akissarsiakinnerit akit qaffasinnerisigut immikkut eqqorneqartarput.

Siunnersuummut atatillugu oqaatigineqarsinnaavoq Kalaallit Nunaanni naatsorsueqqissaartarfiup februari qaammat ukioq manna saqqummersimmagu Kalaallit Nunaata aamma Danmarkip akornanni akinik sanilliussineq, juli 2016-imi akiusut tunuliaqutaralugit. Misissuinermit tassani erserpoq nunatsinni akiusut 6,3 %-imik qaffasinnerusut, nioqqutissanut kiffartuussinernullu danskit akigititaannut ataatsimut isigalugu.

Ilanngullugulu misissuinerup pineqartup tikkuarpaa, ”inuussutissat aamma imeruusaatit aalakoornartortaqqanngitsut”, ”imigassat aalakoornartut aamma tupat” kiisalu ”attaveqatigiinneq” eqqarsaatigalugit nunatsinni akiusut qaffasinnerusut. Misissuinerullu aamma ersersippaa immikkoortoqatigiit ”inigisaq, imeq, innaallagiaq, gassi, il.il.” kiisalu aamma ”nioqqutissat assigiinngitsut aamma kiffartuussinerit” nunatsinni Danmarkimit akikinnerusut.

Kalaallit Nunaanni naatsorsueqqissaartarfiullu misissuinerpa paasissutissanik aamma imaqarpoq akit EU-mi suli Kalaallit Nunaannit aamma Danmarkimit appasinnerusut. Taamaattumillu isumassarsialaavoq nunani allani sanilliunneqarsinnaasuni akiusut misissuinermit ilanngunneqarnissaat.

Naalakkersuisut siunnersuut nioqqtissat akiisa nunatsinni nunanilu allani assigiinnginneri pillugit misissuinissamik nalilersuinissamillu ingerlatsisoqassasoq akuersissutigaat.

Taamatut oqaaseqarluta siunnersuut akuersissutigineqassasoq inassutigineqassaaq.